

Lizartzako festetan jarriak

I

Bi mila ta zazpiak
zortzi agorrean
Lizartzako festaren
eguna hurrean,
furgoneta pintoak
ateen aurrean
begiratu gaiztoak
kale bazterrean,
aurten ez dira egin
“ohitura zaharrean”.



MADDI SOROJA

IV

“Agintari gorenak”
elizan sartzean
eskolta eta ertzain
kolore beltzean,
santuak aurrean ta
santuak atzean
bakea ahoan ta
gerra bihotzean,
lotsatuta hil dute
kristo gurutzean.

II

Bi bertsolari ginen
deituak bertara
gazteek antolatu
ohi duten festara,
berdin dio elkarte
kale zein plazara
ongi etorri on bat
gauza ederra da,
gu behintzat herritarrek
hautatuak gara.

V

Kalean furgonetak
eskoltak atean
balkoian ikurrinak
builak arkupean,
herritarrak kanpoko
“demokrata”pean
festak normaldu dira
denak joatean,
bakezaleak joanda
herria bakean.

III

Bandera espainola
gorri eta urre
globoekin estaliz
egin zaio aurre,
Otaola ez zaitez
jarri hain haserre
ahulak ere nolabait
egin behar du parre
hor behintzat ez dizute
erregerik erre.

VI

Bandera batek al du
hemen garrantzia
edo nahi dutena da
gu sutan jartzia,
ta Espainian bete
botoen ontzia
bitartean herrian
ze penitentzia,
orain bai nahi dugula
independentzia.